

青城山記補正上

地 732.8
43.92
1.22

1823

WA



中國書店
2 200

中華民國十九年 庚午

青城山記補正

香雪窠題



自序

青城山有記。肇自杜廣成。其後范仲立、李常、張開、遞相賡續。杜范甲乙俱見徵引。李張尠聞。清光緒間。灌人彭氏。踵輯成篇。冀以傳信。後來爲山靈生色。但取材惜儉。抉擇未精。每作山游時。深悵慨。不揣樗味。思有補輯。忽忽弗果。歲戊辰初夏。風日清美。梅陰罨綠。桃萼敷紅。逸興翩然。頓懷間寫。乃檢彭書。詳究違失。以類相從。其誤凡七。如王衍造上清宮。塑王子晉像。及寫唐二十一帝像於殿壁。備法駕朝之。士庶簾帷珠翠。夾道不絕。此用蜀都唐道襲私第所建之上清宮。非青城之上清也。薛逢爲緜州刺史。夢入天倉洞。使人訪之。入洞十里。見山川居第。乃寶圖山。天之倉。非青城之天倉也。其誤一金容坊石筍。諸葛武侯嘗發視之。驗其古篆。知爲蠶叢氏啓國鎮蜀之碑。李雄據蜀。復掘視之。以詢范賢云云。蜀圖經所載甚明。楊升菴老杜石筍行題注。文意未完。非武侯待范寂而後知也。容成公爲黃帝師。乃稱爲晉人。與李堯夫戲語。乃王蜀李昊安所據爲。

青城山記補正

自序

李雄。而與范賢同列。其誤二。唐睿宗女入道。惟玉真金仙。其他別無金華封號。魏志。張陵入蜀。居鶴鳴山。不作鶴。與大邑鶴鳴之由石鶴得名有殊。上清峯僧。亦不以病冷爲名。其誤三。唐許默紫花梨記。進丹武宗者。邢先生。不作元刑生。楊通幽師西城王君。非西域王。道士劉雲。不名雲雲。雲昇宮。雲陽棲霞觀也。唐瞿法言。上昇之所。雲昇宮。沈默自稱。記臆增劉名。割截沈號。其誤四。黃帝壇石法天圓地方。不必沿甲記之稱爲石天地也。杜光庭傳。乃五代史補文。非薛史也。明末奢崇明園。成都凡百有二日。非五日。沐猴而冠。乃暗喻楚人節。去二字。則所指隱矣。姚平仲傳度。采藥者莫能至。刪采藥者三字。語亦費解。其誤五。李意居青城山。乃演義家言。不見之神仙傳。馮大亮所遇道士。本汶川之慈母山。去青城較遠。王仙柯所隱之翠圍山。在永康。不在青城。其誤六。乾元山引錄異記。乾元之南有東柱西柱。然上文原云金州之北。其不屬青城。明甚。注老子之張君相。馬端臨亦泛云岷山道士。未明指青城。蘇惲聖母祠記。篇首卽云靈

泉。乃靈泉縣之聖母山。與張溥作記。潘洞題詩者正同。尤非寰宇記輿地記所云之聖母慈母山也。其誤七至。范寂司馬承禎一事而前後復見符載。安世通。張俞諸傳。頗少剪裁。於甯封子。馬鳴生。劉無名。杜光庭。轉病簡略。其引王象之碑目。乃遺陰道。薛道衡。靈寶真人數條。明皇手勅。乃青城獨存之古碑。不能蒐考全載。及未補徐大亨丈人觀碑。杜光庭脩諸觀功德記原文。尤爲缺典。凡此皆彭氏之儉也。原書八門。今廣爲十一門。曰溯原。曰羣山。曰宮觀。曰古蹟。仍舊目也。高真以標仙跡。方外兼括羽流。釋氏隱逸專記。肥遯繼以物產金石。殿以雜纂外編。庶詞人雅翰。靈怪幽蹤。軼事異聞。兼收博載。雖未足希風廣成。而表褻名山。所得差較富碩。彼著謝公展而登青雲梯者。儻亦有樂於斯乎。

中華民國十七年歲在著雍執徐圍余月香雪樓主序

青城山記補正錄目

溯原一

羣山二

宮觀三

古蹟四

高真五

方外六

隱逸七

物產八

金石九

雜纂十

外編十一

青城山記補正

錄目

三

青城山記補正上

崇慶羅元黼重輯

溯原一

青城爲蜀名山。有聞夙古。歷漢晉唐尤顯。在今西川道灌縣西南五十里。玉置經。青城爲第五大洞寶仙九室之天。一名赤城。對蜀郡之西北。在岷山之南。黃帝披山通道。徧歷五岳。封青城山爲五岳丈人。一月之內。羣岳再朝。六時灑泉。以代晷漏。黃帝刻石拜謁。篆書猶存。茅君傳云。青城第五洞天。十大洞天之一也。五岳真形圖。青城洞天所在。其下有日月分精所照。仙傳拾遺。日月飛精。謂之伏辰之根。下照洞口。與人世無異。青城甲記。岷山連峯接岫。千里不絕。青城爲第一峯。周市一百五十里。前號青城。後曰大面。其實一耳。有七十二洞。以應七十二候。八大洞。以象八節。其中五大洞上應五星之宮。乃五行五常所化也。天倉諸峯。屹然三十有六。靈仙所宅。祥異甚多。有瑤林瓊樹。金沙玉田。甘露芝

青城山記補正

四

草。天池醴泉之異焉。凡得道仙民。游散未受職者。分居諸洞之中。絕峯之頂。煙雲常覆之。每日晴霽。不過六七度。名山記。益州西南青城山一名青城都。山形似城。其上有崖舍赤壁。張天師所治處。南連峨眉。中有洞天。諸靈書所藏。張陵入蜀所居鳴鶴山。實在青城。故隋書云。青城縣有鳴鶴山。青城山。惟魏志作鶴鳴稍異耳。唐六典。亦稱爲劍南道名山之一。宋彭乘五岳真君殿記。赤城洞天。龍躡甯先生所治也。先生嘗爲陶官。通神幽隱。蹈履烈燄。隨煙上下。黃帝順風禮問。受龍躡經。得御飛雲術。遂封五岳丈人。佩三庭印。開元中。立祠飾象。春秋崇祀。祺祥沓示。中和初。再封希真君。坤輿奧區。峯連嶺屬。標靈跡者。青城爲勝。星根月頂。風容雲骨。表裏森秀。彌數百里。續博物志。蜀州青城丈人山。每歲享以蔬饌。以縣令行。由唐玄宗夢神仙羽衛集於宮中。有朱衣金冠者。下謁。召司馬承禎訪之。承禎云。今名山岳瀆之神。主祭祀者。太上慮有威福。命上真監涖。青城丈人。爲五岳之長。濶山九天司命。主九天生籍。廬山九天使者。執三天

之符。彈劾百神。皆五岳上真。宜各置廟。以齋食爲饗。祀禮之定由此。又杜光庭云。國家保安宗社。脩籙設醮。謝過消災。投金龍玉簡於天下名山洞府。故青城每紀其事。其洞多與他洞相通。仙傳拾遺。晉嵩山叟墮山中穴內。循行半年許。乃出青城山。女仙傳。張陵妻孫夫人。於彭州陽平化上昇。化有登真洞。與青城通。雲笈七籤。成都玉局洞與青城洞天相連。玄中記。青城洞穴分爲三道。西北通岷崙。遁甲開山圖。興元斗山觀。通青城大面山。斗山乃唐公昉飲李八百酒。拔宅上昇之跡。見諸紀載。彰彰可考。故洞天福地記云。青城周迴二千里。十洞天大小悉皆相通。洵不誣也。若法苑珠林。天人語宣律師。迦葉佛時。蜀都原基青城山上。今之成都大海之地。其言荒遠。徵青城故實者。尙難據是傳信云。(補)

唐錢起賦得青城山送楊杜二郎赴蜀軍歌。蜀山西南千萬重。仙經最說青城峯。青城嶽岑倚空碧。遠壓岷峨吞劍壁。錦屏雲起易成霞。玉洞花明不知夕。星臺二妙逐王師。阮瑀軍書王粲詩。日落猿聲連玉笛。晴來山色傍旌

青城山記補正

旗。綠蘿春月營門近。知君對酒遙相思。全唐詩

劉夢得詩。彩雲朝望青城起。錦浪秋經白帝來。全上(補)

宋張詠送趙侍丞罷秩游青城山詩。公餘長閉目。只是老心情。聞道尋山去。倉忙出戶迎。好峯須到頂。雲迹要知名。回日從容說。余將少解醒。宋詩鈔(補)

趙抃游青城山詩。三十六峯峻。維岷在蜀奇。方行刺史部。重款丈人祠。凍雪諸番隔。晴雲六面披。訪山窮寶洞。山有寶仙第五洞昔投龍之所勅鬼觀豐碑。泉落寒巖響。

蘿依古木垂。良工存舊筆。青城觀壁悉孫知微名筆老叟琢新詩。句台符出示岷山集陟險齊雙屐。逢幽鼓七絲。盤桓不忍去。還作再來期。

謁青城山。背琴肩酒上青城。雲爲開收月爲明。觀宿有詩招主簿。劉絳詩約同游廬空無分遇先生。張翥牆留古畫仙姿活。石載奇文俗眼驚。卻念吾鄉山亦好。

十年辜負爛柯行。全上(補原注)范成大再題青城山詩。萬里清游不厭慵。雙旌換得一枝筇。來從井絡直

西路。上到江源第一峯。海內閒身輸我佚。山中佳氣爲人濃。題詩試刻崖前石。付與他年薛暈重。石湖詩集又有兩脚背人歸玉壘。江聲隨馬入青城之句。(補)

陸游將之榮州取道青城詩。倚天山作海濤傾。看徧人閒兩赤城。青城一名赤城而天台之

赤城乃余舊游自笑年年隨宦牒。不如處處得閒行。草痕沙際猶餘綠。楓葉霜餘已帶

頰。歸去還堪詫兒輩。錦囊三十六崢嶸。

憶青城舊游。宦途到處不黔突。惟有劔南糜歲月。屢游老澤蒼玉峯。疑是

虛皇白銀闕。松肪擣妙具晨餐。榭葉作衣勝短褐。泥飲不容繁杏落。浩歌常

送寒蟬沒。水邊洞口適有遇。握手一言換凡骨。少陵老子未識真。欲倚黃精

除白髮。客有言泰山者因思青城舊游有作。我登青城山。雲雨願在下。

月色縞崖谷。欲醉不忍捨。明朝下半嶺。頻怪哀湍瀉。山麓雲未歸。平地泥沒

踝。乃知宿處高。所恨到者寡。略下又有向來遺恨極。不遂隱青城。明月雲開

天。萬里御風吾欲過。青城祇怪勝游頻入夢。今朝蜀客話青城之句。自注故人范中立巨

青城山記補正

山自青城來訪劍南詩稿補

明楊慎望青城山詩。天谷仙分界。岷山帝會昌。蟠根圍石野。峻極劃金方。

篆刻軒皇碣。經留玉女房。雪峯摹太素。雲磴截穹蒼。豁瀆懷文命。醜渠想惠

王。川原枕邛樊。樓觀盛隋唐。紫府飛霞杪。丹梯列宿旁。岷峯曾伯仲。江漢實

杯觴。遠目窮今古。幽襟興激昂。萋芝羞種髮。揆藻愧含章。又有登青城山

贈黃梓谷詩。浩浩洪流帶白沙。盤盤丹磴繞青霞。漁郎源水尋無路。羽士

壺仙別有家。玉女房頭交讓木。寶仙洞口太平花。采真他日重期子。煙駕雲

裝兩鶴車。升菴全集(補)

黃華登青城呈升菴海門二公詩。天漢標岷秀。星躔燭井芒。江源分甕水。

仙界截繩梁。日月回神壁。氤氳麗隱鄉。蠶崖通玉壘。犀浦奠金湯。飛樹泉移

晷。迎曦日放光。丹砂流乳穴。臺觀浴雲潢。往迹延千古。凝暉括太蒼。矢言攀

逸駕。長歲駐龍岡。灌志(補)

郭莊青城山詩。絕壁層層丹磴。羣峯面面芙蓉。多少洞崖深處。老禪結構雲松。全上(補)

清王士禎望青城山詩。雲氣連西域。名山仰漢標。千秋軒帝跡。每夜岳靈朝。玉宇峻丹壑。神鏡下碧霄。丈人一招手。天路未應遙。帶經堂集

顧光旭游青城山詩。子美游青城。題詩作五字。五字何足多。青城覺靈異。我來游青城。白雲暫留憩。未暇更題詩。復恐礙雲意。偶然咳唾落九天。不曾點著青城地。彭記

蔡時田青城雜詩。闌風伏雨過青城。洞裏琳宮少送迎。隔斷乾坤支杖影。宕搖日月入鐘聲。六時崖畔搽殘碣。三素雲中謁上清。五月騎驢游太華。不如來覓范長生。全上

吳棠望青城山詩。蘿衣薜磴簇雲屏。卅六峯高石氣清。懸澗卽爲天下雨。不須丹竈叩仙靈。全上

青城山記補正

王夢庚遊青城山詩。傑閣崔巍倚上清。清宵餘味步虛聲。峯圍仙磬深難散。月避神燈眼愈明。坐久風前添鶴筆。更殘天上聽雞鳴。何當絕頂凌霄漢。來試緱山子晉笙。又次顧晴沙韵。五丁天遣開奇山。六丁不敢攝奇字。

清磬一聲涼月高。古洞層層發幽異。丹光燭夜珊瑚紅。照徹林巒恣游憩。潛蛟起舞伏虎藏。飄飄欲作青雲意。松濤萬頃大海翻。蒼茫直接蓬萊地。新采補

張香海游青城山宿道院。不衫不履看山來。小歇江邨莫費猜。隔岸雲深惟鳥語。沿溪冬暖看花開。人驚犖确休驚險。馬到崎嶇未肯回。立處高寒天咫尺。風驅巖石駭鳴雷。陰森萬樹路彎環。名播寰區第五山。媿說兩川來俗吏。曾經滄海躡仙關。余籍蓬萊距此六千餘里道人蓄茗勤烹出。古洞殘碑想搨還。夜半霜鐘聲斷續。塵心滌盡覺神閒。全上補

羣山二

青城最高頂爲大面。一名趙公。因隋趙昱隱此故也甲記云。大面之頂。去平地七十二里。爲

茲山之主。非常人所到。靈禽異獸。奇花仙草。莫不有焉。其上瓊樓仙室。金闕玉堂。脩道之人造之。乃見非凡俗所窺也。方輿勝覽。青城左連大面。右接鶴鳴。前臨獅子。後枕大隋。(補)潛確類書。大面爲七十二福地之一。羅真人所居。輿地紀勝。在三溪之北。山勢陡峻。雲霧時隱。下視羣峯。如兒孫羅列。春冬積雪。人蹤鮮至。游者皆以盛夏新秋。天清氣暖。窮數日之力。乃可登陟。過此則不可往矣。由大面北趨而漸低者。爲大坪山。幽杏高曠。叢樹陰森。登大面者必經之道。東爲老君巖。因有老君廟故名。又東爲三台山。山之東爲空斷山。明萬曆中。術者謂山中有王氣故也。少南爲臥牛山。紀勝古名石梯山。又名伏牛。有異花芝草。食之可長生。再東爲大牛心山。少北爲小牛心山。紀勝獨立雲中。諸峯不接。上有石池。爲仙人藏劍之所。又東爲登龍山。卽古龍門山。一名石峯。又名看花。危橋相向。若層門然。中峯有紅躑躅花。垂垂夾徑。故受看花之名。少北爲鳳皇山。產麩金。居人多採之。東北則爲橫山。一嶺

青城山記補正

八

橫出。下迤若坡陀然。過此皆平疇矣。

由大面直東爲八卦台。卽古壓月山。紀勝山在青城縣西。晉置上皇觀於上。仙人李阿常游於是。王象之蜀山考。青城道宮。丈人上清爲最。餘皆在山麓。五里至上清宮。至成都山則爲半山。至大面則爲巔。(補)紀勝又云。成都山前臨麻姑洞。深不可測。八卦台不知卽成都否。未能定也。再東爲王婆巖。巖有龍洞石。定江水入之。聲如雷鳴。東下卽滴水巖。巖有懸溜。清涼可飲。又東下爲龍滾邊。俗名羅鍋扁。卽龍洞口水。瀉出處。過此亦平陸矣。

由大面南趨爲通靈溝。俗稱偷營溝。以明末張賊獻忠遺黨自此入破太安寺。再南爲長坪山。紀勝山在味江上。昔杜宇與居民避水其間。城壘遺址。往往猶在。有太安寺。寺門蓋花坪老澤路也。勝覽長坪山捫蘿而上。鳥道三十里。爲牡丹坪。又南爲沙坪山。卽古寶唐山。產佳茗。由通靈溝東趨。爲馬蝗岡。岡下爲碁盤石。相傳古仙人對弈處。北趨爲木魚山。又北爲鉸子山。

由馬蝗岡北折而東爲第一峯。卽古高臺山也。其峯巔俗名老霄頂。有小亭峙其上。

清黃雲鶴老霄頂詩。未入洞中洞。先登峯上峯。長空望不極。何處一聲鐘。

灌志(補)

高峯秀出。襟帶諸山。遠浦平疇。一望無際。山有聖鏡。每晴霽之夜。光燄熊熊。飛行各嶺。仍還故處而滅。吳船錄。夜有鏡出四山。以千百數。謂之聖鏡。或云古人藏丹之光。或云草木之靈亦有光。或謂神龍山鬼所作。其深信者。則謂仙靈之所設化也。王叔瞻詩。神鏡點點光可燭。星斗熒熒低欲捫。卽此。(補)由第一峯南趨。蒼翠萬狀者。卽古之天倉山。紀勝。在延慶觀南。連崖隱軫。爲三十六峯。各有一洞。前十八曰陽峯。後十八曰陰峯。杜廣成謂爲神仙帑庫。宋呂大防詩。天倉三十六。裘擁翠微間。晁公邁詩。天公夜半翦冰花。三十六峯如玉立。趙雄詩。三十六峯如不到。青城還似不曾游。卽詠此也。(補)南折而東爲涼風頂。

青城山記補正

九

又東爲禪師巖。巖爲入山險隘。明末太安寺僧了空鑑隨。率衆禦賊。觸巖死。鄉人繪像巖間祀之。今山民昏喪。鼓吹經此。皆祭而後行。蓋敬其英靈也。又東爲筆架山。香積山。紀勝。山前有瀑布。有雞骨禪師塔。山有頂名孤鶴。形勢孤峭。若鶴峙立。故絡繹而下。則岡巒競秀。蔥鬱宜人。隔絕塵囂。別有天地。由第一峯而北爲丈人山。唐末仙人李真詩。春凍曉鶻露重。夜寒幽枕雲生。豈是與山無素。丈人著帽相迎。(補)又南爲鬼城山。俗名月城。錄異記。王蜀王子歲七月十三日。青城鬼城山。滯雨崖崩。瀑水大至。在丈人觀後。高百餘丈。殿當其下。將憂摧壞。俄墜石如岸。堰水向東。竟免漂陷。觀中嘗苦汲。自此瀑水出處。流泉直注廚內。其味甘香。冬夏不絕。丈人東南爲玄真山。飛赴山。勝覽飛赴寺在飛赴山下者是也。從此徑趨平原矣。

由第一峯而東爲混元頂。三峯桀豎。狀若覆釜。第三頂下。卽軒轅臺。石龕今稱天師洞。洞在峭壁間。直下如削。檐檻飛空。下視股栗。從洞口外望羣山。

若拱若揖。浮嵐空翠。盡在襟袖。

清李惺有憶青城天師洞舊游詩。十二樓高接玉京。四無人影靜無聲。鑪邊斜倚柏燈坐。醉後倒拖藜杖行。大雪封山惟一白。寒潭受月恰雙清。茫茫此境何由再。夢入松關路亦生。彭記

洞北綿亘東趨爲龍居山。俗名青龍岡。亦名牌坊。卽清成豐間。灌人徐開龍拒藍賊殉難建坊處。再東爲太平山。一名藥王山。山址卽太平場市集。洞南爲偏橋。兩崖中絕。下臨邃壑。一落千丈。細逕如綫。支以孤木。蟻附而行。游者慄眩。今則鐫鑿山骨。作天然橋。繚以石闌。坦夷無阻矣。度橋而南約三里許。爲祖師殿。卽軒轅頂。古甯封棲真。黃帝問道之處。又南爲擲筆槽。槽深數十丈。自南而北。直達偏橋。不下里許。王象之碑目。天師戒鬼筆迹。在大龍橋側。五岳真形圖。龍橋處二山間。相去百餘步。峯巒危竦。橋在峯半。漸促漸小。可五六寸。長一丈五尺。兩岸懸崖。俯臨不測。山旁有誓鬼石。天師與鬼爲誓。朱

青城山記補正

十

筆畫山。青崖中絕。今驗斷處。石並丹色。闊二十丈。深六七丈。望之絕然。審爾大龍橋卽指偏橋。朱筆所畫之青崖。卽擲筆槽。但名殊雅俗耳。又槽中草木花葉。無巨細皆黑點斑駁。亦理之不可解者。槽之相對爲金鎖崖。鳥道一綫。如長虹下垂。相傳崖下卽芙蓉溪。清風湖。溪光亭諸故址。南折而東。爲白雲溪。卽文潞公爲張俞置宅處。又東爲乾元山。再東爲三獅山。重岡秀出。狀若伏獅。橫界諸峯。別饒意態。蓋青城諸山。以大面爲祖。高臺爲樞。天師洞壘居其中。羣山環衛。空翠四合。如城郭圍繞狀。故亘古號爲勝地云。

宮觀三

青城宮觀。半多晉唐所建。惟年代遼遠。興廢迭更。今就所存與可考者記之。在大面山之腹。爲慶雲寺。或謂爲明初建。在八卦臺者。曰上皇觀。乙記。唐玄宗幸蜀時造。蜀志補錄。上皇觀一名玄真觀。晉建。神芝異草。佳樹名花。多產於此。芝草如稻苗。食之可仙。

唐薛逢上皇觀詩。狂寇窮兵犯帝畿。上皇曾此振戎衣。門前衛士傳清警。砌下奚官掃翠微。雲駐壽宮三洞啓。日迴仙馭六龍歸。當時丹鳳銜書處。松柏蒼蒼已合圍。全唐詩

章孝標上皇觀詩。煙霞華蓋七星壇。想像先朝駐禁鑾。輦路已平栽藥地。皇風猶在步虛壇。樓臺蜃氣晴蕭索。杉檜龍身老屈蟠。翻感惠休并李白。劍門空處望長安。全上(補)

清黃雲鵠上皇觀詩。散吏何緣謁上皇。仙山有路近高唐。雨添崖翠迎眉潤。風逗溪聲引興長。萬木陰濃宜避暑。雙杉年久自生香。觀門古杉大數十。國千百年物也。暫容領略煙霞趣。爲語同人去莫忙。彭記

又有中皇觀。青皇觀。真武觀。文昌宮。在三台山者。爲東岳廟。沈家菴。在龍滾邊者。爲上元宮。青山寺。在鳳凰山者。爲禹王廟。迴龍寺。在木魚山者。爲天真觀。圓明宮。白雲觀。在餃子山者。爲

青城山記補正

九泉菴。九龍菴。樂靜菴。在太安山者。爲太安寺。相傳唐代初建。逮明復振。樓殿壯麗。甲於青城。獻賊亂燬。清初重建。今存嘉靖古鐘。紀元至正及明成化初年復建事。在沙坪山者。爲郭家菴。在頓子崖者。爲白馬廟。在乾元山者。爲黑虎廟。在龍居山者。爲龍居菴。石筍堂。飛仙觀。

清許水南有緣溪赴常道觀飛仙觀詩。連峯忽中開。奔峭亦已了。斷壁夾溪深。危磴出林杪。曲折緣蒼崖。迢遞穿叢篠。一崖地偏仄。十里天繚繞。夕景翳藤蘿。茫茫失昏曉。路窮見仙都。朱閣懸縹緲。前登但遏雲。俯瞰出飛鳥。初驚物象幽。坐使塵跡少。茲遊偶然遂。已爲來者肇。誰與知我心。窺檐山月皎。彭記

在孤鶴頂下者。爲香積寺。一名靈巖寺。周地圖記所稱之通靈山寺也。寺爲雞骨禪師道場。

清黃雲鶴自長生宮之香積寺詩。捐別逍遙公。言尋孤鶴頂。磻仄徑彎環。

谷幽峯秀挺。佛刹隱脩篁。僧雛獻新茗。坐取洞簫吹。喚教孤鶴醒。灌志(補)

在丈人山之陰。爲丈人觀。在丈人山之東。爲建福宮。今之建福宮。即古丈人觀也。甲記云。觀前有靈鏡。齋日必見。或五或六。亦無定數。玄宗皇帝敕道士王仙卿。就黃帝壇脩醮。其鏡徧山。僖宗皇帝幸蜀之年。山中脩靈寶道場。周天大醮。神鏡千餘。輝灼林表。(補)王蜀咸康元年。王衍嘗奉母徐太后太妃同游。謁王先主鑄像。吳船錄。丈人峯下五峯。峻峙如屏。觀之臺殿。上至巖腹。自唐以來。號丈人爲儲福定命真君。本朝增崇祀典。濶廬皆有定名。此獨號觀。先是其徒以爲言。余爲請之朝。李燾仁父適爲禮官。上議曰。河圖括地象。岷山之精。上爲井絡。帝以會昌。神以建福。注曰。昌即慶也。青城實岷山第一峯。會慶又符誕節之名。乃賜名會慶建福宮。余將入山。而勅書適至。乃作醮以謝。殿前有大樓曰玉華。鞏飛輪奐。極土木之勝。四壁孫太古畫黃帝而下三十二仙真。筆法超

青城山記補正

妙。氣格清逸。此壁冠於西州。兩廡古畫尙多。半已剝落。惟張果孫思邈二像無恙。錄又云。今春病幾殆。僅得更生。因表名山禳祭。夜道士就殿前作步虛儀。有大炬出殿後巖上。色洞赤。周旋山頂。有頃變滅。同游者疾趨來觀。則無有矣。余默請於丈人。此鏡正爲余出者。當復見。使諸人共觀之。語脫口復出。分合眩轉。若經藏然。食頃乃滅。人云從來此峯無鏡。數年前曾一見。劍南詩稿。孫太古丈人觀。畫碧落侍中舉手整貂蟬像特妙。故游詩云。浮世升沈何足計。丹成碧落

珥貂蟬。此一語記會慶建福宮得名之由。自吳船錄以下均新(補)

唐杜甫丈人山詩。自爲青城客。不唾青城地。爲愛丈人山。丹梯近幽意。丈人祠西佳氣濃。綠雲擬住最高峯。倩除白髮黃精在。君看他時冰雪容。草堂詩箋順聖徐太后題青城山丈人觀詩。早與元妃慕至玄。同躋靈岳訪真仙。當時信有壺中景。今日親來洞裏天。儀仗影交寥廓外。金絲聲揭翠微巔。惟慙未致華胥理。徒卜昇平萬萬年。千尋碧嶂夾流溪。登眺因知海岳低。瀑布

遙春青石碎。菌輪橫剪翠峯齊。步黏苔蘚龍門峭。日閃煙蘿鳥徑迷。莫道穹天無路到。此山便是白雲梯。(補)

謁丈人觀先帝御容。舜帝歸梧野。躬來謁聖顏。旋登三徑路。似陟九疑山。日照堆嵐迫。雲橫積翠間。相期封禪禮。方俟再躋攀。察誠錄

翊聖徐太妃題丈人觀詩。獲陪翠輦喜殊常。同陟仙壇豈厭長。不羨乘鸞入煙霧。此中便是五雲鄉。登尋丹壑到玄都。接日紅霞照座隅。卽向周迴崖岫裏。似看曾近畫圖無。繼題觀先帝御容。共謁御容儀。還同在禁闈。笙歌喧寶殿。彩仗耀金徽。清露沾羅袂。紅霞拂繡衣。九疑山水遠。無路繼湘妃。(補)

宋文同題丈人觀詩。羣峯垂碧花。下擁岷仙家。神皇被金巾。坐擁五帝衙。威靈攝真境。俗語不敢譁。精心叩殊庭。俯首仰紫華。願言鳳羅盟。畢世驅塵邪。循奉蕊珠戒。期之飛太霞。彭記

青城山記補正

十三

文同題孫知微畫。太古奇偉士。精思獨於畫。馳心入茫味。萬物赴揮灑。當時已名重。顧陸非爾亞。卓哉青城筆。妙絕冠天下。寥寥九天仗。一一若神寫。吾恐千載後。是終無繼者。名勝記(補)

陸游丈人觀詩。黃金篆書榜朱門。夾道巨竹屯蒼雲。崖嶺劃若天地分。千柱耽耽壓其垠。纓冠肅謁丈人君。廣殿空庭吹寶薰。摩挲畫稿手爲韞。異哉山夔與土獷。物怪巖巖冠丘墳。仙人佩玉雜悅怱。手整貂冠最不羣。欲去不忍恨日曛。道翁采藥晝夜勤。松根茯苓獲兼斤。人芝植立強骨筋。枸杞羣吠聲狺狺。山罽小甌吹幽芬。朱顏不飲常自曛。我亦夙誦五千文。一念之差墮世紛。誓將從翁走如麀。隱書祕訣何由聞。

題丈人觀道壁。斷香浮月磬聲殘。木影如龍布石壇。偶駕青鸞塵世窄。間吹玉笛洞天寒。奇香滿院晨炊藥。異氣穿巖夜浴丹。卻笑飛仙未忘俗。金貂猶戴侍中冠。彭記

陸游自上清延慶觀歸過丈人少留。再到蓬萊路欲平。卻吹長笛過青城。空山霜葉無行迹。半嶺天風有嘯聲。細棧跨雲縈峭絕。危橋飛柱插澄清。玉華更控青鸞住。要倚闌干待月明。劍南詩稿(補)

在高臺山者爲。上清宮。乙記。明皇幸蜀造勝覽。晉起朝天宮於高臺山丈人祠側。號曰上清宮。吳船錄。上清宮在最高峯之頂。以板閣插石作堂殿。下視丈人峯。直牆堵耳。岷山數百峯。悉在闌檻。如翠浪起伏。勢皆東傾。紀勝。山有列聖殿。今廢。新五代史。王衍與太后太妃同游青城山。宮人衣服皆畫雲霞。飄然望之若仙。衍自製甘州曲。述其仙狀。上下山谷。衍嘗自歌。使宮人和之。蜀檮杌。衍至青城住旬日。設醮祈福。(補)

王衍昭儀李舜弦。隨駕游青城詩。因題八駿上仙山。頓隔塵埃物象閒。祇恐西追王母宴。卻憂難得到人間。成都文類(補)

宋文同上清宮題壁詩。天氣陰陰別作寒。夕陽林下動歸鞍。忽聞人報後

青城山記補正

山雪。更上上清宮上看。全蜀藝文志

陸游宿上清宮詩。九萬天衢浩浩風。此身真是一枯蓬。盤蔬採掇多靈藥。閣道攀躋上半空。累盡神仙端可致。心虛造化欲無功。金丹定解幽人意。散作山椒百炬紅。夜中山椒火煜然俗謂聖燈意古藏丹所化也登上清小閣。樓觀參差倚晚晴。偶來信步

得聞行。欲求靈藥換凡骨。先挽天河洗俗情。雲作玉峯時特起。山如翠浪盡東傾。何因從此橫空去。笙鶴飄然過洛城。宿上清宮。永夜寥寥憩上清。

下聽萬壑度松聲。星辰頓覺去人近。風雨何曾敗月明。是夕山下風雨絕頂月明到曉早歲文辭妨至。道中年憂患博虛。名一菴儻許西峯。住常就巢仙問養生。上官道人巢居山中劍南詩稿

范成大上清宮詩。歷井捫參興未闌。丹梯通處更躋攀。冥濛蜀道一雲氣。破碎岷山千髻鬢。但覺星辰垂地下。不知風雨滿人間。蝸生兩角渾如夢。更說紛紛觸與蠻。石澗詩集

清顏楷至上清宮冒雨登孤頂。第一峯頭夏似秋。神完不礙雨中游。飛行

絕迹千梯路。俯視平分百道流。底事空山馴虎豹。山中虎豹欺犬羊而畏人。上清宮爾道士往年被回掠匪患。猛於虎矣。來大樹撼蚍蜉。子登第一峯。頂斫樹。刻名其上。記年月。年年竹杖芒鞋客。窺得重霄祕冊不。游青城者多至。上清宮止。

不登絕頂(補)

在天師洞者爲。常道觀。唐六典。蜀州清城常道觀。隋建。有唐明皇御書碑。勝覽。謂黃帝祠址。皆指此。蓋始名延慶。唐改常道。宋名昭慶。開元中。觀爲飛赴寺。奪據。玄宗勅令觀還道家。寺依山外。碑目云。延慶移觀手詔碑。在觀後絕峯上。石龕中。卽今所云天師洞也。洞奉道陵。左塑唐明皇像。或云蜀主孟昶。明嘉靖間猶存。見焦維章游記。今存者惟道陵一像。洞右清光緒閒續塑虛靖天師像。嘉陵三十代孫名繼先字嘉開宋元祐間人(補)

宋文同昭慶觀詩。琳崖盤玉霄。彩翠接步武。雲霞不可畫。泉石固難譜。神幢逾百尋。帝轍歷萬古。靈瀑誰與窮。長飛六時雨。名勝記

天師洞之南爲三皇殿。又南爲偏橋。卽古龍橋。循橋而南約二里許。爲祖師殿。

青城山記補正

十五

紀勝。清都觀在延慶觀上三里。一名洞天觀。唐道士薛昌浴丹井。杜光庭墓。俱在觀後。宋張俞隱居是間。其下白雲溪出焉。所謂白雲隱居也。任京易詩。懶隨六詔上丹闕。高臥一峯藏白雲。少愚自題云。欲作外臣誰是友。白雲孤鶴在巖扉。以地考之。今之祖師殿。意卽當日之清都觀地。再南爲古儲福宮。今廢。勝覽。天倉下儲福宮。有唐睿宗女玉真公主像。宮有天峯閣。望三十六峯如列屏。(補)宋沈少南詩。割盡齊封奉魯元。更開沁水占名園。何如帝子空山外。落日

騎驢荒草原。名勝記

胡叔豹詩。棄形如遺但養神。阿兄爛醉梨園春。人百撼之耳不聞。何物女子乃獨醒。徑來空山臥白雲。不見漁陽胡馬塵。全上

陸游詩。路轉屏風疊。雲藏帝子家。窮幽行犖确。息倦倚槎枒。綠蘚封茶樹。清霜折藥花。世無句漏令。誰此養丹砂。全上

天倉又有威儀觀。今亦廢不可考。